

Nik, IÑIGO ROLDAN CATALAN jaunak, Oñatiko Udal idazkari naizen honek,

Toki Araubidearen Oinarriak arautzen dituen 7/1985 Legearen 92. bis artikulua eta gaikuntza nazionala duten toki-administrazioen funtzionarioen araubide juridikoa arautzen duen martxoaren 16ko 128/2018 Errege Dekretuaren 3. artikuluan xedatutakoaren arabera

Honako hau EGIAZTATZEN DUT:

Idazkaritza honetan nire ardurapean dauden datuen arabera, **osoko bilkurak, 2024ko otsailaren 29an**, ohiko bilkuran, besteak beste, honako erabaki hau hartu zuen, eta hitzez hitz transkribatuta dio:

18.- Onartzea, hala badagokio, Alkateak gai honi buruz egindako proposamena: 2024ko Auzotasun programa garatzeko hitzarmen markoa eta diru-laguntza izendunak onartzea, landa garapen informazio batzordean diktaminatua 2024ko otsailaren 20an.

Idazkariak Alkatezaren proposamen hau irakurri du -dagokion batzordeak eman zuen horren gaineko irizpena:

Gaia: 2024ko Auzotasun programa garatzeko hitzarmen markoa eta diru-laguntza izendunak onartzea.

Aitor Gerenabarrena Osa jaunak, nekazaritza-auzoak eta ingurumen teknikaria eta landa garapen batzordearen idazkariak, 2024ko otsailaren 20an egindako landa garapen batzordearen aktak honela dio:

“2024ko Auzotasun programa garatzeko hitzarmen markoa

2013an Oñatiko Udalak auzotasuna deritzon laguntza programa abian jarri zuen eta ordutik hona urtero mantendu izan da. Auzotasuna deritzon programaren xedea da Oñatiko landa auzoetako bizilagunen bizi-kalitatea hobetzea eta auzotarren harremanak sustatzea. Auzoaren izaera eta nortasuna indartu eta auzo bizitza mantendu ez ezik indartzen ere laguntzen duten jarduerak bultzatzea da helburua.

2024an Auzotasun Programarekin jarraitzeko helburuarekin auzotasun programa garatzeko hitzarmen ereduak aurkeztu du teknikariak.

2023ko abenduaren 14ko Osoko Bilkuran onartu zen 2024ko Udal aurrekontua. Bertan jasotakoaren arabera, auzo bakoitzaren izenean jasota dagoen diru-atala honakoa da:

auzoa	diru-kopurua
arantzazu	6.176,89
araotz	9.924,76
berezao	4.803,80
garagaltza	7.670,14
garibai	4.400,00
goribar	4.400,00
larraña	8.051,73
lezesarri	7.074,08
murgia	6.574,87
olabarrieta	18.826,71
santxolopetegi	4.400,00

torreauso	4.400,00
uribarra	6.591,98
urrexola	4.400,00
zañartu	4.400,00
zubillaga	15.267,46
	117.362,42 €

Gaia aztertu ondoren, Zerbitzuak eta Landa Garapen Batzordeak aho batez eskatu dio Udal Osoko Bilkurari 2024ko auzotasun-programa garatzeko hitzarmen eredu onartu dezala.”

Diru-laguntzei buruzko azaroaren 17ko 38/2003 Lege Orokorrak (22.2 a eta 28 artikulua) eta hura garatzen duen Erregelamenduak (887/2006 Errege Dekretua) eta Udalaren Diru-laguntzei buruzko Ordenantza Orokorrak (14. Artikulua) ezarritakoa kontuan hartuta.

38/2003. Legean nabarmentzekoak dira artikulua hauek:

22.2 artikulua: “Diru-laguntza hauek zuzenean eman ahal izango dira:

A) Estatuaren, autonomia-erkidegoen edo toki-erakundearen aurrekontu orokorretan izendun gisa aurreikusitakoak, hitzarmenetan eta diru-laguntza horiek arautzen dituen araudian jasotako baldintzetan.” 28. Artikuluan garatzen da.

30.2 artikulua: “Justifikazio-kontua ematea onuradunaren edo erakunde laguntzailearen nahitaezko egintza da, eta bertan sartu behar dira, aitortzailearen erantzukizunpean, gastuaren egiaztapirak edo diru-laguntzaren xedea bete dela egiaztatzeko balio juridikoa duen beste edozein dokumentu. Justifikazio-kontuaren forma eta hura emateko epea diru-laguntza publikoak arautzen dituzten oinarrietan zehaztuko dira.”

Jasota dago kreditu egokia eta nahikoa dagoela.

Halaber, Gipuzkoako tokiko sektore publikoko entitateen barne kontrolaren araubide juridikoa erregulatzen duen abenduaren 27ko 32/2018 Foru Dekretuak, 3. artikuluan 1 eta 2 ataletan honakoa xedatzen du:

“1. Tokiko sektore publikoaren jardura ekonomiko-finantzarioaren barne kontrola organo kontu-hartzaileak egingo du eginkizun kontu-hartzailearen eta kontrol finantzarioaren bidez. Bi ariketa moduetan, 21/2003 Foru Arauaren 68. artikuluan aipatutako eraginkortasun eta efizientzia kontrola ere sartuko da.

2. Eginkizun kontu-hartzailearen xedea da toki entitatearen eta bere organismo autonomoen egintzak kontrolatzea, haien sailkapena edozein izanik ere, baldin eta egintza horien ondorioz eskubideak onartu edo gastuak egiten badira, bai eta haietatik eratortzen diren sarrerak eta ordainketak nahiz haien funts publikoen inbertsio edo aplikazio orokorra ere, ziurtatu nahi baita haien kudeaketa kasu bakoitzean aplikagarri diren xedapenekin bat datorrela.”

Gaia aztertutik, eta landa garapen batzordearen aldeko irizpena izanik, osoko bilkurari honako hau proposatzen zaio:

Lehenengoa.- 2024ko Auzotasun programa garatzeko hitzarmen markoa eta diru-laguntza izendunak onartzea, horretarako adostasuna ematea, espedientearen agertzen den zirriborroaren arabera.

Bigarrena.- 2024rako 117.362,42 euroko gastua onartzea, dagokion diru-atalaren eta bere lotespen-mailaren kargura, kontuan hartuta diru-laguntza emateko ezinbestekoa dela kreditu egokia eta nahikoa egotea ebazpena emateko unean.

Hirugarrena.- Diru-laguntza izendun hauek, Diru-laguntzen Datu Base Nazionalean (BDNS) argitaratzea erabakitzea.

Laugarrena.- Ebazpen hau interesdunei jakinaraztea.

Bostgarrena.- Erabaki hau kontu-hartzaileari eta teknikariari jakinaraztea.

Seigarrena.- Aipatutako hitzarmen arautzaileak sinatzeko baimena ematea Alkateari.

Gaia aztertuta, eta landa garapen informazio batzordearen irizpena kontuan hartuz, udalbatza osatzen duten hamazazpi zinegotzietatik hamazazpi bertaratuta, alkateak bozketa agindu du. Proposamena zinegotziek aho batez onartu dute.

Ziurtagiri hau dagokion akta onartu baino lehen ematen da, eta ohartarazita geratzen da, 2568/1986 Errege Dekretua, azaroaren 28koa, Toki Erakundearen Antolaketa, Jarduera eta Araubide Juridikoaren Erregelamendua onartzen duen 206 artikulua arabera.

Honela jasota gera dadin eta bere ondorioak izan ditzan hau sinatzen dut sinadura digitalean ageri den datan.

O.E.
ALKATEA

IDAZKARIA

Izaro Elorza Arregui

Iñigo Roldan Catalan



Sinaduren laburpena / Resumen de firmas	
Titulua / Título:	2024ZDIZ0010-ZIURTAGIRIA/CERTIFICADO (OÑATIKO UDALA)